

### 2.1.7. ICYICIRO CYAVII: icyerekezo kimwe.

#### Ingingo ya 23:

1. Kugira ngo habe umutekano mu kugenda mu muhanda, Umukuru w'Intara, ashobora, mu ifasi ashinzwe, gutegeka ko mu mihanda avuze haba icyerekezo kimwe.
2. Iyo icyerekezo kimwe, kireba ishami ry'inzi nyabagendwa mu ntara nyinshi, icyerekezo Gifatwa na Minisitiri ushinze imirimo ya Leta akoresheje iteka.

#### Ingingo ya 24:

- ❖ icyerekezo kimwe gishobora kubaho buri gihe cyangwa kigashyirwa ku masaha amwe namwe gusa. Iyo kugenda mu muhanda bidashobora kunyuzwa mu yindi nzira kuburyo bworoshye, icyerekezo kimwe gishobora gushyirwaho mu buryo busimburana.

### ICYICIRO CYA VIII:Guhindura icyerekezo

#### Ingingo ya 25:

1. Umuyobozi wese ushaka gukatira iburyo cg ibumoso aya mu muhanda cg ahagarika ikinyabiziga cye ibumoso bw'umuhanda agomba mbere na mbere: **Kwerekana aho ashaka kujya nk'uko biteganywa n'ingingo ya 44 y'iri teka:**

a) Yaba akatira iburyo, akegera uko bishobotse kwose iburyo bw'umuhanda na none uko bishobotse kose akabikorera ahantu hato kandi agabanyije umuvuduko, ariko rero, ashobora kugana ibumoso iyo imiterere yaho hantu cyangwa ingano y'ikinyabiziga cyangwa ibyo gitwaye bidatuma yegera uruhande rw'iburyo rw'umuhanda kandi akabikora amaze kumenya ko; 1 ntamuyobozi umukurikiye watangiye ku munyuraho ko kandi 2 bitakururira ibyago abayobozi bagenda uko bisanzwe mu nzira nyabagendwa agiye kuvamo n'ayo agiye kujyamo;

b) Yaba akatira ibumoso akagana ibumoso kandi akegera uko bishobotse kose umurongo ugabanya umuhanda mo kabiri, ariko atawugiye hejuru, cyangwa akegera ibumoso bw'igisate cy'umuhanda, cyabigenewe, iyo ari umuhanda ugendwamo mu byerekezo byombi, cyangwa akegera uruhande rw'ibumoso rw'umuhanda iyo ari umuhanda w'icyerekezo kimwe kandi akabigira agabanyije umuvuduko yashaka nanone kugana mu wundi muhanda ugenderwamo mu byerekezo byombi akabigira kuburyo yawujyamo anyuze iburyo.

2. Iyo ari ukugenda mu murongo ibangikanye, umuyobozi ashobora gukatira iburyo ari uko ari mu murongo w'iburyo, kandi akajya ibumoso ari uko ari mu murongo w'ibumoso.

3. Mugihe ahindagura icyerekezo umuyobozi wese agomba kubigira agabanyije umuvuduko kandi akareka hagahita:

a) Ibinyabiziga n'abanyamaguru 1 bigenda mu muhanda avuyemo cyangwa 2 biwugenda ku ruhande;

b) Abanyamaguru bambukiranya umuhanda avuyemo cyangwa uwo aganamo.